

LA VERDA LUPEO



Informilo de ELF/AREK

Decembro 2014

(47a jaro)

N-ro 167

Esperanto Ligo Filatelista / Amika Rondo de Esperantaĵ-Kolektantoj

Redakcio: Rudolf Burmeister Max-Müller-Str. 86 DE 09123 CHEMNITZ

LA UK EN NITRA KUN SPECIALA POŝTMARKO



La preparlaboroj por la 101-a Universala Kongreso de Esperanto en la slovakia urbo Nitra komenciĝis kaj jam kondukis al du gravaj sukcesoj. La prezidanto de Slovakia Esperanta Federacio, s-ro Stano Marček, kun fiero informas, ke la prezidento de Slovakio, s-ro Andrej Kiska, akceptis la inviton de SKEF fariĝi la Alta Protektanto de la 101-a UK.

Aperos ankaŭ porokaza poŝtmarko. La ĝenerala direktoro de la Slovaka Poŝto, inĝ. Tomáš Drucker, konfirmis tion en letero al Stano Marček, en kiu li skribis pri la intenco eldoni du poŝtmarkojn en 2016, kiam Slovakio unuafoje funkcios kiel la prezida lando de Eŭropa Unio. Jam pli frue estis decidite, ke la unua marko estos dediĉita al "ŝtat-reprezentaj aferoj", sed la dua ankoraŭ ne havis specifan temon. "Tial ni bonvenigas vian iniciaton eldoni poŝtmarkon okaze de la Universala Kongreso de Esperanto, kiu same okazos ĉe ni la unuan fojon", skribis inĝ. Drucker, aldonante, ke "per komunaj fortoj ni sukcesos videbligi nian landon ne nur en Eŭropo, sed ankaŭ en la mondo".


(El „Gazetaraj Komunikoj“ de UEA N-ro 558)



La E-klubo en SENTA, Serbio,
ankaŭ ĉi-jare okazigis la tradician renkonton VERDAJ AMIKAJ TAGOJ.

Temo: MIHAJLO PUPIN. Tempo: 6.6-7.6.2014. Aperis poŝta E-a memorstampo:
06.06.2014, 24400 SENTA, kun portreto pri Pupin, mezuro: 33 mm

Pupin (1854-1935) estis sciencisto, kiu i.a. inventis la „Pupin-spulo“-n por telefono. Li vivis kelkatempe en Senta.



G. Zanaboni

81a Itala Kongreso de Esperanto
Iniciatis kaj dezajnis: Giovanni ZANABONI

Loko: FAI DELLA PAGANELLA
Mezuro: ? ovala

Tempo: 23. 8. 2014



**Volapuka glumarko
finfine trovita en
bona kvalito**

**Ne FRANAZIMS
sed VAABAZIMS
ĝi supre tekstas.
Krome nun legeblas
la aperjaro: 1895**

**Estis nia amiko Piton kiu ĝin
ekvidis en reta aŭkcio.
Gluita sur pk.**



**66a IFEF-kongreso
San Benedetto del
Tronto**

**17-24 Majo 2014
Memglua, multkolora
teksto, du lokomotivoj,
rektangula, 49x30 mm.
Informis: E. Doerfler**



**Glumarkoj
20 Jaroj E-Domo
Jacugatake 1994-2014**

**Kompleta folio
Sendis: Haruja Maekaua**

**Esperanto-Domo Jacugatake
20 Jaroj 1994 – 2014**

Memglua glumarko
Printita de BELTONO en Japanio
Folio: 4 x 3
Koloroj: Verda, bruna, blanka
Bildo: La domo kun arboj
Mezuro: 28x28 mm



101a Japania Esperanto-Kongreso
11-13 oktobro 2014 en Obama-Fukui

Memglua glumarko
Printita de BELTONO en Japanio
Folio: 4 x 3
Koloroj: A) verda maro
B) blua maro
Bildo: Maro kaj provinco Fukui
kun tekstoj
Mezuro: 28 x 28 mm



6a Kongreso de Serbiaj Esperantistoj
16-18 aŭgusto 2013

Memglua glumarko
Koloroj: Verda kaj nigra
Bildo: E-flago kun bildo
de la romia imperiestro
Konstantino la Granda
Teksto en Esperanto kaj
trilingve la urba nomo de Niŝo:
Naissus, Niš (latin-litere) kaj Niš (ciril-litere)
Mezuro: 79x47 mm



Koran dankon pro senditaj markoj kaj informoj al
Haruja Maekaŭa en Japanio kaj Imre Belec en Serbio.



Apud la 52-ena pm aperis ankaŭ 82-ena individua poŝtmarko okaze de la jubileo *Esperanto Domo Jacugatake 20 jaroj*. Presita ĝi estas sur la bazfolio PH 22 (notita en la japana SAKURA- katalogo) kune kun la 52-ena.

La bazfolio PH 22 entenas 10 poŝtmarkojn. La supra vico 5 markojn kun nominalo de po 52 enoj, la suba vico 5 markojn kun nominalo de po 82 enoj.



52 enoj



82 enoj





La kongreso okazis en la urbo OBAMA
11-13 Oktobro 2014.

En la kongresejo funkciis poŝta giĉeto:

11.10: 13a – 17a h

12.10: 9a – 17a h

13.10: 9a – 13a h

La poŝta stampo kun teksto Esperanta:
JAPANA ESPERANTO-KONGRESO
OBAMA, 2014


montras monumenton kun la enskribo
„Maro estas kiel patrino, kiu ligas homojn“
en la japana kaj korea.

Deveno de la enskribo: En vintra de la jaro 1900 korea komercŝipo renkontis katastrofon pro ŝtormo. Post kelktaga drivado la ŝipo albordiĝis proksime de la urbo Obama. La vilaĝanoj akceptis la 93 koreajn maristojn en siaj domoj kaj sindone ilin flegis. Post ok tagoj ili sin povis, sanaj, adiaŭi.

Memore al tiu evento en la jaro 2000 oni starigis la monumenton.



Aperis du kongresaj ind. pm-oj (52 kaj 82 enoj). Detalojn legu en nia sekva LVL, ankoraŭ ili ne alvenis (15. nov. 14).



Fuĵajro estas unu el la sep emirlandoj de UAE*. Ĝi havas ĉ. 85.000 enloĝantojn (laŭ takso el la jaro 1997), kaj okupas areon je 1.150 km², kiu konsistigas 1,5%-ojn de la teritorio de UAE.


UEA (ne: UAE!) provis lanĉi en 1978 serion da E-poŝtmarkoj per tiu emirlando kaj pretigis skizojn pri ili. Tiu plano ial ne realiĝis. Tamen „Bogen Larsen bogtryk“ (Libropresejo en Danlando) pretigis kvanton da folioj kun la ses markoj. Kaj eĉ „duan eldonon“ pro mendo de grand-vendisto.

Jen la „nominaloj“: 15 dirhamoj (Zamenhof), 35 dirhamoj (Hodler), 50 dh (Lapenna)

1 rialo (La Sankta Biblio), 2 rialoj (La Nobla Korano), 3 rialoj (Retoriko).

Mirigas, ke en junio 2014 tiu nepoŝta eldono trovis aĉetanton en reta aŭkcio (40 eŭroj). Konkuris 7 anonimaj interesuloj.

*UAE: *Unuiĝintaj Arabaj Emirlandoj*



„Esperantujo“ en Italio kun „E-Poŝto“

La fantazia poŝtstampo de „Esperantujo“ malkovras ĝian situon: En 31010 Kavalkaselle/Italio. Ĝi ekzistis el farmista bieno kun apuda fojnkabano. Tie loĝanta Esperantisto en la jaro 1977 presigis serion da markoj. Konatiĝis 3 markoj:

1/2 stelo - kun „jubilea“ E-flago kaj teksto: E-Poŝto / ESPERANTUJO

1 stelo - kun Zamenhof kaj teksto: ESPERANTUJO - E-Poŝto

2 steloj - kun Zamenhof kaj teksto: Studento - kreinto de Esperanto

UTOPIAJ TERITORIOJ

estas la titolo de serio da ekspozicioj, kiu komencis per la elmontrado de “**LA INSULO KIU NE ESTAS**”.

Temas pri la rakonto de la eksterordinara iniciato de homo kiu en la 1960aj jaroj revis pri libero kaj klopodis ĝin konkretigi, starigante propran sendependan ŝtaton meze de la Adriatika maro. Mi parolas pri inĝeniero Giorgio Rosa, la realiganto de la ‘Libera Teritorio de la Insulo de la Rozoj’. Pri ĝi aperis ankaŭ artikolo en la TEA-Bulteno - sept-okt. 2009, krome en interreto oni povas trovi plurajn tiurilatajn artikolojn kaj eĉ spekti filmon pri la tuta historio, en Esperanto.

La 26an de julio ĉi-jare okazis en Berceto, urbeto apud Parma, Italio, la inaŭguro de la granda ekspozicio pri “**La insulo kiu ne estas**”. La iniciatinto estis d-ro Giuseppe Bigliardi, la direktoro de la Muzeo Pier Maria Rossi, kiu tre lerte kaj kompetente prezentis la tutan historion, kun abundo da detaloj kaj aŭtentikaj dokumentoj. Tiu ekspozicio daŭros ĝis la 28a de septembro. Ĝiaokaze estis eldonita riĉenhava kaj belaspekta katalogo el 130 paĝoj en du lingvoj, la itala kaj esperanta.

En la inaŭgura tago funkciis poŝta giĉeto, kie oni povis ricevi la oficialan, unutagan, stampon sur poŝtkartoj, eldonitaj porokaze, sur kiuj aperas fotoj pri la platformo, kaj eĉ ties eksplodigo. Krome estis eldonitaj de la slovena poŝto du diversaj memorigaj poŝtmarkoj, sur kiuj legeblas la koordinatoj de la situo de la Insulo de la Rozoj.

La ekspozicio prezentas historiajn bildojn (fotojn, dokumentojn) laŭ specifa itinero ekde la projekto ĝis la realigado de la artefarita insulo, ĉiujn artikolojn aperintajn sur italaj kaj eksterlandaj ĵurnaloj en la 1960aj jaroj kaj ankaŭ la bildstrian libron pri Martin Mystere, rilatan al la Insulo. Okazis interesaj prelegoj kiel “**Fantasta aventuro-Reala aventuro**”, pri la mikronacioj, kaj pri la historio de la oficiala lingvo de la Insulo: Esperanto, fare de prof. Davide Astori, Universitato de Parma.

Oni povis spekti filmon pri la marfundo kie troviĝas la platformaj ruinoj kaj alian pri: “**Insulo de la Rozoj - Libero timigas**”. La publiko havis eblon konatiĝi kun la internacia lingvo ankaŭ el gramatika vidpunkto danke al Vittorio kaj Luisa Madella, kiuj zorgis pri rapida kurso.

Estis ankaŭ interesaj atestoj de personoj kiuj en tiuj jaroj partoprenis en la konstruado de la platformo aŭ iel sekvis la disvolviĝon de la tuta okazintaĵo. Dum tuta monato sinsekvis intervenoj kaj debatoj, tuŝantaj la plej diversajn temojn, ekde tiu filozofia kaj sociologia ĉirkaŭ la koncepto de utopio kaj libero ĝis tiu lingva, kiuj povus esti la startpunktoj por rezonado pli profunda rilate al kialoj kiuj gvidas la homon postkuri la absolutan liberon. Kaj ĝuste nuntempe, en la aktuala mondo, en kiu moralaj valoroj neniun plu inspiras, libero eĉ ne plu ekzistas, samgrade ĉu fizika ĉu spirita, kvankam malprave ni deklaras - kaj estas plene konvinkitaj pri tio - nin tute liberaj, idealoj kaj utopioj kuŝas jam de longe subtere, ĝuste nun estas la momento remalkovri tiujn “**utopiajn teritoriojn**”, precipe en nia menso, por retrovi la esperon kaj ĉefe la kuraĝon engaĝiĝi por komuna pli bona estonteco.

Elda Doerfler (En TEA-Bulteno – septembro/oktobro 2014)

**Por la ekspozicio en Berceto aperis en Slovenio
2 individuaj poŝtmarkoj kun la nominalo „C“**



La maldekstra kun blanka kadro montras sur mara surfaco la koordinatojn de la platformo.

La dekstra kun bruna kadro montras platformajn restaĵojn sur la marfundo.



La poŝta stampo de la ekspozicio

Loko: 43042 BERCETO (PR)

Dato: 26.7. 2014

**Bildo: Tri rozoj,
„ŝtata emblemo“ de la insulo**

Teksto:

**INAUGURAZIONE MOSTRA
INAŬGURO DE LA EKSPOZICIO**

**L'ISOLA CHE NON C'È:
LIBERA TERRITORIO DE LA
INSULO DE LA ROZOJ**



1968 „Insulo de la Rozoj“

30 Mills
kun privata stampo
„Libera Teritorio
Insulo de la Rozoj
Verda Haveno Poŝto“

1969 „Esperanta Respubliko
Insulo Rozoj“

30, 60 kaj 120 miloj.

Eldonitaj de privata persono pro la detruo
de tiu platformo fare de la itala armeo.



Tiuj ĉi fantaziaj markoj trovis bonan disvendon inter turistoj kaj e-istoj.
Eĉ nuntempe aperas la supra marko en interretaj aŭkcioj. Mirigas la pagoj:
ĝis 45 eŭroj por la 30 Mills-marko. (Jam trifoje!)



Vidu ankaŭ: revuo Esperanto, oktobro 1968
Fenikso (de AREK), n-ro 3




1



2



3



4

5



6

- 1) **30 MILOJ** **POŜTO ESPERANTA RESPUBLIKO
INSULO ROZOJ**
 - 2) **30 MILLS** **POSTO DE LA L.T. DE LA INSULO
DE LA ROZOJ**
 - 3) **30 MILLS** **Nro 2 kun oblikva streko inter L./T.**
 - 4) **30 MILLS** **Nro 3 kun surprisita „Milita Itala Okupado“**
 - 5) **Kompleta folio kun 10 „30 MILLS“-markoj**
 - 6) **Stampo „L.T. INSULO DE LA ROZOJ
VERDA HAVENO POSTO“**
- Klarigo: L.T.: „Libera Teritorio“**



Ing. Giorgio Rosa



120 MILOJ

60 MILOJ



30 MILOJ

*Serio „ESPERANTA RESPUBLIKO INSULO ROZOJ“
eldonita okaze de la detruo de la platformo*



Kompleta folio (30 MILOJ, detruo) en kolekto r.b.

Fantaziaj markoj ("Cinderella") de "Princlando Atlantis"

En nia LVL/Fenikso nro 49 (1978) ni jam skribis pri ili. Tamen hodiaŭ denove pro novaj ekkonoj. Bedaŭrinde la originala artikolo de la fama filatelisto Norbert Williams el "The Stamp Magazine" de novembro 1978, sendita de nia iama membro Mc Callum, perdiĝis. En ĝi estis notitaj detaloj pri tiuj ĉi fantaziaj poŝtmarkoj.

Onidire grupo da skandinavoj sub gvido de la dano J.A. Mott eksetlis sur 14 insuletoj inter Miami kaj La Habana.

La loko Odina fariĝis la centro kaj oni eĉ kreis "nacian" flagon, pasporton, poŝtmarkojn kaj banknotojn.

Tamen: Tiu princlando neniam ekzistis, nur en la kapo de la "kapitano"

Mott. Sed realiĝis la markoj helpe de la komercisto D. G. Ball en Miami.

Kompreneble ili ne validis kiel poŝtmarkoj.

Pluraj pm-katalogoj enhavas notojn pri ili, i.a. Billigs Philatelic Handbook, vol. 30, (1964).

Konatiĝis 5 eldonoj:


1) Decembro 1934 : 2, 3 kaj 7 skaloj , triangulaj

2) 1935: 5, 10, 25, 50 k 75 skaloj, 1 dalo
Ekzistas ankaŭ kun surprisoj "Y Mu kaj "Lemuria"



Princlando Atlantis-Lemuria

La „ŝtata emblemo“
de la „Princlando“




La meza marko kun senkolora reliefa emblemo





Fantazia pm-serio AKVONEZIO





1988 aperis plurfoje en filatelaj gazetoj ofertoj pri tiu ĉi serio kun 16 markoj: 8 sambildaj kun surprisitaj ovaloj en viola kaj 8 en flava. La bildo montras insulon kun kelkaj insuletoj. Krome „nominalon“ de KVIN (cendoj)

La anonima vendisto afable reagis al mia peto pri senpaga alsendo kaj sendis tutan serion (1988 mi ne disponis pri „okcidenta“ valuto)



Jam antaŭ 20 jaroj, 1994, aperis tiu ĉi pk-tutaĵo kun privata surpriso memore al Bakin en Ĉinio. 25.11.2003 sekvis folio kun 16 div. individuaj pm-oj pri nia eminenta samideano. Desegnisto: Zheng Yu Kang en Ŝanhajo.



Bedaŭrinde nia kluba amiko
Gao Zhenxing
trovis nur malbonan kopion.
Eldonkvanto: 2mil folioj.
Sur la talonoj videblas diversaj
Bakin-eldiroj kaj Bakin-fotoj

La ĉina Esperantistino Xiao Hong (1911 - 1942)

La ĉina verkistino dum la tridekaj jaroj en la antaŭa jarcento lernis kaj propagandis Esperanton. En la “Ĵurnalo de nova Ĉinio” de 29a decembro 1938 aperis ŝia artikolo „Mia lernado de Esperanto“.


Ŝi amikis kun la japana esperantistino Verda Majo dum la tempo, kiam ili estis en Chongqing. En Hongkong ŝi mortis pro malsano en la jaro 1942.

Je la 1a de junio 2011 en Harbin, urbo de Heilongjiang-provinco, okazis seminario memore al la verkistino Xiao Hong.

En tiu tago aperis folio kun individuaj poŝtmarkoj memore al ŝi.

Nia kolego Gao Zhenxing trovis la sciigon pri ŝi kaj la ind. poŝtmarkoj en la reto.

Nun li klopodas trovi tiujn markojn... ni deziras sukceson al vi kaj dankas kore pro viaj informoj.



Bedaŭrinde mankas originalo



ELF-AREK

Esperanto-Ligo Filatelista

Amika Rondo de Esperantaĵ-Kolektantoj

Prezidantino:

S-ino Elda Doerfler

Via Ghirlandaio 18/1

IT-34138 TRIESTE

>testudo.ts@gmail.com<

Jen mia bankokonto:

IBAN IT35 R076 0102 2000 0001 7452 996 – Banco Posta Por: Elda Doerfler

BIC: BPPIITRRXXX.

UEA-konto: ELF/AREK = Kodo: elfx/r

Jarkotizo: € 17.00 - Membroj en socialismaj kaj ekssocialismaj landoj: € 15.00

Se vi ne havas aliron al nia konto ĉe UEA, bonvolu kontakti nian prezidantinon.

La Klubo de Amikoj de Esperanto en Svitavy (CZ)

kun la loka klubo de filatelistoj aranĝis regionan filatelan ekspozicion kun aparta „Esperanto-salono“ en Svitavy, 25-28.9.2014. Mankas ankoraŭ informoj pri ĝi.

***Al niaj karaĵ ELF/AREK-anoj ni deziras
agrablajn festotagojn kaj bonan Novan Jaron!
Elda Doerfler kaj Rudolf Burmeister***

